

Հ. Համբարձումյան .

ՀԻՆ ՀԱՅԱՍՏԱՆԻ ՍՏՐԿԱՏԻՐԱԿԱՆ ՍԻՍՏԵՄԻ ԳՈՅՈՒԹՅԱՆ
ՀԱՐՑԻ ՇՈՒՐՁԸ

Հին Հայաստանում ստրկատիրական սիստեմի գոյության պրոբլեմը մեր պատմագրության մեջ շարունակում է մնալ խիստ ակտուալ, չնայած տեսականորեն այդ հարցին, համենայն դեպս, կարելի է պատասխանել միայն գրական կերպով: Ստրկատիրական ֆորմացիան ժխտողները վկայակոչում են հեղինակավոր մարդկանց (հանգուցյալ ակադեմիկոս Գրեկովին և այլոց), ելնում են «ստրուկ» բառի իրավարանական հասկացությունից, մատնանշում են Արևելքի պատմությունը և այլն: Ինդեպոնակը, հին Հայաստանում ստրկատիրական ֆորմացիայի առկայությունը հաստատողները բերում են հակառակ փաստարկներ, մատնանշում են Կովայրի, Երեմյանի և ուրիշների աշխատությունները: Չցանկանալով այդ հարցի վերաբերյալ մեծ պատասխանատվություն վերցնել մեզ վրա, մենք ցանկանում ենք միայն մի շարք նկատառումներ բերել հին Հայաստանում ստրկատիրական սիստեմի գոյության օգտին:

Ակադեմիկոս Գրեկովը, որը միանգամայն հեղինակավոր է այս հարցերում, ասում է. «Սլավոնները, գերմանները, արարները, հայերը, իբերները և միջնադարի մյուս ժողովուրդները, որոնք նախնադարյան-համայնական կարգերից անցել էին ֆեոդալիզմին, ստրկատիրական կարգեր չեն ապրել, թեև նրանք շատ լավ գիտեին ստրկությունը, որպես մարդու չափահաս ձևերից մեկը»¹: Այնուհետև, այդ նույն հեղինակը իր մի այլ աշխատության մեջ գրում է. «Անտիկ ժամանակաշրջանի և միջնադարի սահմանագծում սլավոններն ունեին տառացիորեն այն նույն հասարակարգը, որը այնքան բնորոշ է հին գերմանների, հայերի, իբերների և այլ երիտասարդ ժողովուրդների համար, որոնք իրենց պետությունները կազմել էին նոր արտագրական բազայի վրա, հիմքում դնելով գյուղացիական համայնքը»²: Այդ պնդումը ճիշտ չէ: Դա հերքվում է, նախ՝ հենց իր՝ հեղինակի կողմից, երբ նա անում է հետևյալ վերապահումը՝ «...թեև նրանք (այսինքն՝ իբերները, հայերը, արարները և ուրիշ. — Հ. Հ.) շատ լավ գիտեին ստրկությունը, որպես մարդու չափահաս ձևերից մեկը»: Այսպիսով, Գրեկովի կոնցեպցիան կարելի է պատկերացնել, նրա իսկ խոսքերով, հետևյալ կերպ՝ «Սլավոնները, գերմանները, արարները, հայերը, իբերները ստրկատիրական կարգեր չեն ապրել, թեև նրանք շատ լավ գիտեին ստրկությունը»: Հարց է ծագում՝ ինչու՞ էր ստրկության, որպես մարդու չափահաս ձևերից մեկի, գոյությունը հին Հայաստանում:

¹ Греков, Киевская Русь, 1949, стр. 110.

² Греков, Борьба Руси за создание своего государства, 1945, стр. 16.

հագործման ձևերից մեկի, այդ «շատ լավ գիտենալը»։ Արդյոք այդ «շատ լավ գիտենալը» հանդիսանում էր գուտ ճանաչողական երևույթ, որպես էրուզիցիայի և իրազեկության տարր, թե՛ նշանակում էր ստրկության պրակտիկա, տվյալ գործուն ինստիտուտի սովորական գոյությունը։

Հին հայերի մոտ ստրկատիրական սիստեմը ժխտողները, ելնելով «ստրուկ» հասկացությունից, պնդում են, որ «ստրկատիրական ֆորմացիայի կողմնակիցները «ստրկություն» հասկացության տակ մտցնում են ոչ միայն ստրուկներին՝ այդ բառի իսկական իմաստով, այլև կախյալ ու կիսանկախ և նույնիսկ ազատ հողագործներին, որոնք աշխատում էին թագավորական, տաճարների և մասնատիրական հողերի վրա»¹։ Վկայակոչվում է պրոֆեսոր Կովալյովը, որի կարծիքով՝ «ընդհանուր առմամբ հելլենիզմի դարաշրջանում տեղի է ունեցել ստրկության, որպես տնտեսական սիստեմի հետագա զարգացումը։ Ստրկությունը հանդես է գալիս երկու ձևով՝ ստրկության «մաքուր» (կամ «կլասիկ») ձևով, երբ ստրուկը, որպես կանոն, հանդիսանում է օտարացեղ, բոլորովին զրկված է արտադրության միջոցներից, սոսկ իր, ապրանք, արտադրության գործիք է ծառայում, և Արևելքում «պետական ստրկության» («ճորտատիրության») ձևով, երբ ստրուկը պատկանում է հենց նույն պետության հպատակների թվին, կարող է արտադրության միջոցներից մասամբ բաժին ունենալ և սոսկ արտադրության գործիք չի հանդիսանում, այլ ունի, համեմայն դեպս անվանական կերպով, որոշ քաղաքացիական իրավունքներ»²։ Պրոֆեսոր Երեմյանը պնդում է, որ Հայաստանում, գյուղական համայնքների հետ միասին, գոյություն ունեին մասնատիրական տնտեսություններ, որտեղ կիրառվում էր զանազան կատեգորիաների պատկանող ստրուկների աշխատանքը։

«Մեզ հասած աղբյուրները, — ասում է նա, — հնարավորություն են ընձեռում պնդելու, որ մինչֆեոդալական Հայաստանում, այսինքն հելլենիստական և ուշ հելլենիստական դարաշրջաններում (մ. թ. ա. IV դ. — մ. թ. IV դ.) կառավարող դինաստիան, ռազմա-ստրկատիրական ավագանին և քրմերի դասը ունեին մասնատիրական տնտեսություններ՝ ագարակներ ու դաստակերտներ, որտեղ հիմնական արտադրողները ստրուկներն էին»³։

Երեմյանի կարծիքով տաճարների ընդարձակ հողային տնտեսություններում կիրառվում էր ստրուկ-հիերոդոլների աշխատանքը։

¹ Տե՛ս Կ. Կ. Մանандյան, Актуальные вопросы историографии древней Армении, «Историк-марксист», Москва, 1940, стр. 3—8.

² Ковалев, Предисловие к соч. Тарна—«Эллинистическая цивилизация», Москва, 1949, стр. 13—14.

³ Տե՛ս Ս. Կ. Երեմյան, О рабстве и рабовладении в древней Армении, «Вестник древней истории», 1950, № 1, стр. 21. Տե՛ս «Основные черты общественного строя Армении в эллинистическую эпоху» («Известия АН Армянской ССР», 1948, № 11, «Развитие городов и городской жизни в древней Армении» («Вестник древней истории», 1953, № 3), «Проблема падения рабовладельческого общества и зарождения феодальных отношений в древней Армении» (сборник «Доклады советской делегации на XXIII международном конгрессе востоковедов в Кембридже», М., 1954, стр. 111—121), «Рабовладельческое общество древней Армении», автореферат на соискание ученой степени доктора исторических наук, М., 1953.

Ընդունելով, որ իբր թե հիերոգոլինները եղել են սոսկ կախյալ հողագործներ կամ հնուց ի վեր տաճարներին պատկանող գյուղական համայնքների անդամներ, այդ հետազոտողներն ասում են. «Երևմյանն ընդարձակում է ստրուկ» հասկացությունը, այն տարածելով կախյալ և կիսանկախ անձերի վրա, որպիսի հանգամանքի հետ ոչ մի կերպ չի կարելի համաձայնել: Դեռ հռոմեական իրավունքը տվել է «ստրուկ» բառի ճշգրիտ սահմանումը: «Servus sunt» — ստրուկները իրենք են: Մտրուկը հանդիսանում է ոչ թե իրավատեր սուբյեկտ, այլ օբյեկտ, ոչ թե «persone», այլ «res»: Հռոմայեցիները ստրուկին դիտում էին որպես «instrumentum vocale — արտագրության խոսուն գործիք», և այնուհետև վկայակոչելով Բ. Ա. Ռանովիչին, տվյալ կարգի հետազոտողները փորձում են ապացուցել, որ հիերոգոլինները եղել են ոչ թե ստրուկներ, այլ սոսկ տաճարական հողերի վրա ապրող կախյալներ, որոնք բահրա էին վճարում քուրմին:

Հենց այստեղ պետք է նշել, որ պատմաբանների և իրավաբանների ճշող մեծամասնությունը միահամուռ կերպով ստրուկին դիտում է որպես իր. այնպես որ պրոբլեմի այս իսկ հասկացությունը գերիշխող է հանդիսանում և՛ պատմական, և՛ իրավաբանական գրականության մեջ:

Կոմալյովի պնդման մեջ հակասություն կա. ինչ-որ «հրաշքով» ստացվում են երկու հակադիր, միմյանց փոխադարձաբար ոչնչացնող, գրոյթներ, որոնց դեպքում «ստրուկ»-ը մաքուր, կլասիկ ստրկության իմաստով, լոկ իր, ապրանք, արտագրության գործիք է հանդիսանում և, ընդհակառակը, նա Արևելքում, պետական ստրկության իմաստով, պետության հպատակ է, կարող է գույք ունենալ և քաղաքացիական իրավունքներ վայելել: Խի դեպքում ստրուկը — դա իր է, ապրանք, գործիք, բայց ոչ սուբյեկտ և ոչ էլ անձ, իսկ մյուս դեպքում նա իրավունքի սուբյեկտ է (պետության հպատակ), քաղաքացիական իրավունքներ և գույք ունեցող անձ: Ինչպե՞ս կարող էր ստացվել նման մետամորֆոզան և հակադրությունը:

Խի պահ ենթադրենք, որ «ստրուկի» սահմանումը տրամաբանորեն ճիշտ է և որ «ստրուկը» — դա իր է, ապրանք, գործիք, այլ ոչ թե անձ, ոչ թե սուբյեկտ: Այդպիսի ենթադրության դեպքում ինչ արդյունքի կհասնենք:

Պլատոն փիլիսոփան ճանապարհորդության ժամանակ բռնվել էր օտվահենների կողմից, որոնք ցանկացել էին վաճառել նրան որպես ստրուկ: Նշանակում է՝ ըստ քննարկվող թեորիայի, Պլատոնը անսպասելի կերպով դարձավ իր, որը կարող էին տնօրինել ծովահենները, բայց հետո ազատվելով, նա վերստին դարձավ անձ և փիլիսոփա: Հռոմեական գրող Անդրոնիկոս Լիրիոսը, որպես ռազմագերի, ստրուկ է եղել. բայց այնուհետև ազատություն ստանալով, որպես ազատ արձակված, հուշակվեց իր գրական գործունեությամբ և դարձավ Հռոմի ականավոր մարդկանցից մեկը: Հուշակավոր գրող, զրամատուրգ Պուբլիոս Տերենցիոսը, Աֆր (աֆրիկացի) մականվամբ, որպես աֆրիկական ստրուկ, վերագարձել էր Հռոմ և գտնվում էր սենատոր Տերենցիոս Դուկանի տրամադրության տակ, որը այնուհետև նրան ազատ արձակեց: Նախկին ստրուկ Տերենցիոսը դարձավ դարաշրջանի ակա՛նավոր գրողներից մեկը: Կարելի է արդյոք ենթադրել, որ և՛ Անդրոնիկոս Լիրիոսը, և՛ Պուբլիոս Տերենցիոսը առաջ եղել են իր, իսկ հետո, ինչ որ հրաշքի շնորհիվ, կերպարանափոխվել և դարձել են անձ, իրավունքի սուբյեկտներ և գրողներ:

Հոռումում գոյություն ունեւ ազատ արձակւածների ինստիտուտ։ Ազատություն ստացած ստրուկը դառնում էր ազատ արձակւած (libertus libertinus)։ Ազատ արձակւածը ձեռք էր բերում քաղաքացիական և քաղաքական իրավունքներ, ստանում էր իր տոհմական կալւածքը. նրան թույլ էր տրւում մասնակցելու տոհմական պաշտամունքին։ Օրենքը խիստ փոխհարարություններ էր սահմանում լիբերտինի և նրա նախնիների միջև։ Մի խոսքով՝ նա դառնում էր իրավատեր սուբյեկտ և անձ։ Քննադատող կոնցեսյայի համաձայն, մենք պետք է ենթադրենք, որ իրը, ուստի որ գերբնական կերպարանափոխության ճանապարհով, դառնում էր անձ, քաղաքացի և իրավատեր սուբյեկտ, որ, իհարկե, անիմաստ է։

Ազատ արձակւածների ինստիտուտ գոյություն է ունեցել նաև միսսաստանում։ Գերությունից փախած ստրուկները, XV դարից սկսած, ազատ էին ճանաչւում։ Բորիս Թագավորի 1603 թվականի օրենքի համաձայն, բոլոր ճորտերը, որոնց տերը սովի տարիներին կհրաժարվի կերակրել նրանց, կարող են ազատագիր ստանալ։ Շուշսկի Թագավորի 1607 թվականի հրամանագրով սանկցիա է տրւած այն ստրուկների համար ազատություն պահանջելու հայցին, որոնց տերերը նրանց չեն ամուսնացնում մինչև որոշ հասակը։ Գարող էին արդյոք իրերը (այսինքն՝ սարուկները, որոնք իր էին հանդիսանում) փախչել գերությունից և դառնալ ազատներ։ Կարող էին արդյոք իրերն ամուսնության իրավունք ունենալ։

Արևելքի բոլոր հին պետություններում և անտիկ աշխարհում ստրուկները համարվում էին մեղսագիտակներ՝ նրանք մեղադրվում էին իրենց զանցանքների ու հանցագործությունների համար։ Ստրուկները պատասխանատվություն էին կրում իրենց հանցավոր գործողությունների համար և, դրան համապատասխան, պատժի էին ենթարկվում։ Համամուրաբի օրենքներով սահմանված էր, որ ստրուկը պատասխանատվություն է կրում իր տիրոջը չհնազանդվելու համար և այս դեպքում, որպես պատիժ, կտրվում էին նրա ականջը։

Գոյություն ունեն պատմական փաստեր ստրուկների ապստամբությունների մասին։ Նիմֆոգորը նկարագրում է Քիոս կղզում Դրամասի առաջնորդությամբ ստրուկների ապստամբության փաստը։ Հայտնի են ստրուկների ապստամբություններ Տյուրոսում, Սիրակուզայում, Մալարտայում և այլուր։ Հունաստանում ներքին պատերազմների ժամանակ ստրուկներն անցնում էին իրենց տերերի հակառակորդների կողմը։ Սիցիլիայում մեր թվականությունից առաջ II դարում (136—132 և 104—101 թթ.) տեղի են ունեցել ստրուկների խոշոր ապստամբություններ, իսկ 74—71 թթ. հռոմեական պետությունը ցնցվեց Մալարտակի առաջնորդությամբ տեղի ունեցած՝ ստրուկների մեծ ապստամբությունից։ Այն ենթադրությունից, թե ստրուկները իր էին հանդիսանում, չի կարելի ճիշտ կզրակացություն անել ստրուկների ապստամբության հնարավորության մասին, որովհետև իրերը չեն կարող բողոքել, խոռվություն բարձրացնել, ապստամբվել։ Ստրուկների ապստամբության փաստը անհերքելիորեն վկայում է այն մասին, որ ստրուկներն ունեին իրավագիտակցություն, իրենց ճշված փիճակի գիտակցություն ու ճնշմանը վերջ տալու և ազատություն ձեռք բերելու հնարավորության գիտակցություն։ Բր վիճակը գիտակցող մարդը չի կարող իր լինել։

Ստրուկը անձնավորություն էր հանդիսանում: Նա տիրոջ հանդեպ (և պետության հանդեպ այնտեղ, որտեղ նա պետության սեփականություն էր ճանաչվում) պարտականության և իրավունքի սուբյեկտ է եղել:

Մարքսիզմը սովորեցնում է, որ դասակարգային հասարակությունն իր զարգացման սկզբնական ստադիայում հիմնվում էր ստրկատիրոջ սեփականության վրա, Վարտապրության միջոցների վրա, ինչպես նաև արտադրության աշխատողի՝ ստրուկի վրա: Ստրուկությունն իր նահապետական ձևով ծագել և զարգացել է դեռևս նախնադարյան-տոհմատիրական կարգերի դարաշրջանում: Ստրուկը իր ֆունկցիայով, որպես աշխատանքային պրոցեսի համար անհրաժեշտ ուժ, փաստորեն անջատված չէր արտադրության միջոցներից: Բայց նահապետական ստրկության սիստեմում ստրուկի վիճակը համարյա չէր տարբերվում ընտանիքի անդամների վիճակից: Այս դարաշրջանում ստրկությունը, դեռևս չկազմելով արտադրության հիմքը, ուղղված էր գոյության անմիջական միջոցների արտադրությանը: Հունաստանում ստրկությունն սկսում է գործել դեռևս հոմերյան հասարակության մեջ, նահապետական-համայնական կացութաձևի քայքայման ժամանակ, երբ, ինչպես խոսքերով, ռազմագերիների ստրկությունն արդեն ճանաչված հիմնարկ էր: Ստրուկի, որպես իր տիրոջ հանդեպ պարտականության սուբյեկտի, կլասիկ կերպար է էվմեոսը, Վոդիսեսի հովիվը: Անհեթեթություն կլինեի, կարդալով Վոդիսականը և էվմեոսի բնավորության վառ նկարագրությունը, իր ճանաչել նրան. նա հանդես է գալիս որպես տիրոջ և նրա ընտանիքի հանդեպ պարտականության անխախտ կատարող: Նրա կերպարը անհերքելի ապացույց է այն բանի, որ ստրուկը — դա իր չէ, այլ անձ և պարտականության սուբյեկտ: Արիստոտելը ստրուկին բնորոշում էր որպես ռեչնալոս գործիք: Շնչավոր լինելու հատկանիշն այս դեպքում, երբ մեծ մտածողը զարգացման հիմքում դնում էր ինքնարավ լեզնտելեխիայի՝ գաղափարը, վկայում է, որ փիլիսոփան ստրուկին համարում էր անձնավորություն: Պլատոնը իր իդեալական պետության մեջ ստրուկների վրա էր դնում պետությունը պահպանելու և պաշտպանելու պարտականությունները: Բայց ստրուկի բնութագրումը միանգամայն ճիշտ կերպով տվել է Մարքսը, և զարմանալի է, որ մեր պատմաբանները աչքաթող են արել նրա սահմանում՝ Վեանիորը, հին մարդկանց դիպուկ արտահայտությամբ, այստեղ որպես սոսկ instrumentum vocale (խոսքով օժտված գործիք) տարբերվում է կենդանուց որպես instrumentum semivocale (ձայնով օժտված գործիքից) և աշխատանքի անշունչ գործիքից որպես instrumentum mutum (համր գործիքից): Բայց ինքը՝ բանվորը կենդանուն և աշխատանքի գործիքին զգալ է տալիս, որ ինքը նման չէ նրանց, որ ինքը մարդ է՝:

Մարքսի սահմանումից պարզորոշ երևում է, որ ստրուկը (Վեանիորը՝ արտադրության ստրկական սիստեմի ժամանակ) և՛ կենդանիներից, և՛ անշունչ իրերից տարբերվում է որպես մարդ:

Ստրուկն իր տիրոջ սեփականությունն էր և այդ ասպեկտով նա պարտավոր էր իր տիրոջ կամքը կատարել միշտ և ամեն դեպքում:

¹ К. Маркс, Сочинения, т. XVII, 1937, стр. 217.

Բացի իր անսահմանափակ պարտականություններից իր տիրոջ հանդեպ, ստրուկը հրեաների մոտ պարտավոր էր թլպատվել¹։

Միգրիայում և Պարսկաստանում ստրուկները պարտավոր էին պահպանել հոտը, մշակել հողը և զբաղվել առևտրով ու արդյունաբերությամբ նրանք պարտավոր էին ծառայել բանակում։

Հնդկաստանում Մանուի օրենքները վկայում են ստրուկների և նրանց պարտականությունների գոյության մասին։ Չինաստանում ստրուկը, ինչպես վկայում են կայսերական հրամանագրերը, անձնավորություն էր ճանաչվում։ Այդպիսի հրամանագրերից մեկում ասվում է. «Երկնքի և երկրի արարածների մեջ ամենաազնիվը մարդն է... Նրանք, ովքեր սպանում են իրենց ստրուկներին, չեն կարող թաքցնել իրենց հանցագործությունը... նրանք, ովքեր խարանում են ստրուկներին, կդատվեն օրենքով։ Ուարանված ստրուկները կդառնան ազատ։ Ասորեստանում, ինչպես ցույց են տալիս վավերագրերը, ստրուկներին երբեմն կոչել են omeiu, այսինքն՝ մարդ, անձնավորություն։ Հունաստանում ստրուկները պարտավոր էին կատարել իրենց տիրոջ կամքը։

Արիստոփանի կատակերգություններում ստրուկները բնութագրում են իրենց փճակը և ծանր պարտականությունները. «Ո՞րքա մարդ, այդ ի՞նչ է քո կաշին։ Չլինի՞ թե խողովների մի ամբողջ բանակ է թափվել վրադ և ակոսել մեջքդ։ Կամ նույն ոգով՝ «Օ՛, դու կրիա, ինչպե՞ս ես նախանձում եմ քո թեփուկին, որը պաշտպանում է մեջքդ։ Հոռում ստրուկների ծանր և անվերջ ու բազմազան պարտականությունները համակարգված էին և կազմում էին հարյուրավոր առանձին տեսակներ ու կատեգորիաներ։ Հուլանդացի գիտնական Պոմպան պարզել է, որ հոռմայեցի հարուստ ստրկատիրոջ տանը ստրուկները կատարում էին 146 առանձին ինքնուրույն պարտականություններ և ֆունկցիաներ։ Սակայն հետադայում ուսումնասիրողները գտան, որ ստրկատիրոջ տանը ստրուկների կողմից կատարված առանձին պարտականությունների ու ֆունկցիաների թիվը զգալի չափով դերազանցում էր Պոմպայի ցույց տված թվից։ Այս տվյալները բավարար հիմք են տալիս ընդունելու, որ ստրուկները եղել են պարտականության սուբյեկտներ։

Գոյություն ունեն մեծ քանակությամբ պատմական նյութեր, որոնցից կարելի է եզրակացնել, որ ստրուկներն իրենցից ներկայացրել են անձնավորություն և եղել են իրավունքի սուբյեկտներ։ Բոլոր երկրներում և բոլոր դարաշրջաններում ստրուկները օգտվել են կերակրի (սննդի) և հագուստի իրավունքից։ Ստրկական սիստեմի զարգացման տարբեր ստադիաներում ստրուկները մասնակիորեն օգտվում էին իրավունակությունից և իրագործում էին զանազան տեսակ իրավունքներ։

Չինաստանում ստրուկները, հիվանդանալու դեպքում, իրավունք ունեին խնամք ստանալու տիրոջից, որը պարտավոր էր սիրալիր լինել հիվանդ ստրուկների նկատմամբ և խնամել նրանց։

Բարեկոնում և Ասորեստանում ստրուկները կարող էին ունենալ ընտանիք և նույնիսկ մի քանի կին։ Նրանք խնայողությունների և զրանցից կազմված կապիտալների իրավունք ունեին։ Իսկ նոր Բաբելոնում ստրուկ-

¹ Տես «Գիրք Ծննդոց», XVII, 12։

ները, օգտվելով իրենց խնայողություններից, զգալի հարստություններ էին կուտակում և իրավունք ունեին ինքնուրույն կերպով վարել գրամական գործեր, ձեռք բերել անշարժ գույք, ապրել իրենց սեփական տներում, մտնել ընկերությունների մեջ, մասնակցություն ունենալ ձեռնարկություններում և այլն:

Հրեաների մոտ Մովսեսի օրենքները մարմնի անվթարության իրավունք էին վերապահում ստրուկներին, և երբ ստրուկը խեղանգամ էր դառնում, ազատվում էր, իսկ ստրուկի սպանությունը հիմք էր ծառայում պատասխանատվության ենթարկելու տիրոջը¹: Ստրուկն իրավունք ուներ մասնակցելու պաշտամունքի ծեսերին ու տոնակատարություններին և օգտվում էր շաբաթօրյա հանգստից²:

Միգրայում և Պարսկաստանում ստրուկներին իրավունք էր վերապահվում տարվա մեջ ունենալ մի քանի ազատ օր: Այդ օրերին նրանք ազատվում էին իրենց սովորական աշխատանքներից և իրավունք ունեին օգտվելու տիրոջ ծառայություններից: Ինչո՞ւ հերոգոտը հաղորդում է, որ ստրուկներն այստեղ իրավունք ունեին անպատիժ մնալու իրենց առաջին զանցանքի համար:

Հունաստանում ստրուկներն իրավունք ունեին ինքնուրույն կերպով զբաղվելու արհեստներով, պայմանով, որ բահրա վճարեին տիրոջը, իսկ մնացած ամբողջ վաստակը պատկանում էր իրենց: Դրա շնորհիվ, Աթենքում գեպքեր էին լինում, երբ ստրուկները, մեծ հարստություն ձեռք բերելով, թույլ էին տալիս պերճություն և շոտյություն: Դեմոսթենի հոր արհեստանոցներում աշխատող ստրուկները պատրաստում էին սուսերներ և ամեն տարի տիրոջը վճարում էին 90-ական մին, մինչդեռ պատրաստված արտագրանքի արժեքը կազմում էր 190 մին: Քսենոֆոնի պատմածից երևում է, որ Աթենքում ստրուկներն աչքի էին ընկնում հանդգնությամբ և անվեհերությամբ: Նրանք ճանապարհները այլ քաղաքացիների չէին զիջում: (Մարգկային վարքի մոտիվների տեսակետից հանդուգն և անվեհեր կարող է լինել այն մարդը, որն ունի իր իրավունքների և արժանիքների գիտակցություն): Աթենքում ստրուկներն ունեին սեփականություն (peculium) և այդ սեփականությունից օգտվելու իրավունք: Նրանք տարվա մեջ որոշ օրեր ազատվում էին աշխատանքից: Օրինակ՝ Դիոնիսիոս աստծու տոնի օրերին նրանք օգտվում էին աշխատանքներից ազատ լինելու և տիրոջ կողմից ծառայություններ ստանալու իրավունքից: Իր տիրոջ վարվեցողությունից դժգոհ ստրուկն իրավունք ուներ պահանջելու, որպեսզի իրեն, վաճառելու միջոցով, ի տնօրինություն հանձնեն մի այլ տիրոջ: Այն ստրուկը, որը գիմում էր պաշտամունքի զոհասեղանին կամ որևէ կերպ հպվում էր սրբազան առարկաներին, անձեռնմխելի լինելու իրավունք էր ձեռք բերում:

Հռոմում ստրուկները ճանաչվում էին որպես տիրոջ ընտանիքի անդամներ և հաճախ հանդիսանում էին նրա ընկերներն ու խորհրդականները, նրա հետ սեղան էին նստում և նրա հետ միասին կատարում էին կրոնական ծեսեր: Նրանց իրավունք էր վերապահված ունենալու իրենց ընտանիքը, խնայություններն ու սեփական գույքը (peculium): Հոր կամ պար-

¹ Տե՛ս Ելից, XVI, 20:

² Տե՛ս Երկրորդ թմբի օրինաց, V, 14, XI, 12, XVI, 11, Ելից, XII, 44, XX II, 11:

տատիրոջ իշխանությունը ստրկության տրված ստրուկները պահպանում էին աղատածնի իրենց իրավունքը, անվան և ցեղի անվանման իրավունքը (այսինքն՝ ազատ քաղաքացու արտոնությունների իրավունքը)։ Ըստ 47 թվականի օրենքի (lex Claudii), այն ստրուկները, որոնց մասին տեղը հոգ չէր տանում նրանց հիվանդության ժամանակ, իրավունք ունեին աղատություն ստանալու։ Servus publicus կատեգորիային պատկանող ստրուկները համարվում էին իրավունակ։ Նրանք իրավունք ունեին իրենց գույքի կեսը տնօրինել կտակով և կարող էին դատարանում պաշտպանվելու իրավունք ձեռք բերել։ Մեր թվականության 11 դարից սկսած, սոցիալ-տնտեսական տեղաշարժերի ընթացքում, երևան են գալիս servi casati կոչված ստրուկներ, որոնք ստրկատերերից հողամաս էին ստանում. նրանք ապրում էին իրենց տիրության առանձին, ամուսնանալու իրավունք էին վայելում և իրավունք ունեին տնօրինելու իրենց աշխատանքի արդյունքները։

Մենք կարող էինք փաստարկման նյութը բազմապիսի ցանկացած չափով։ Սակայն բերվածն էլ բավական է ընդունելու համար այն պատմական փաստը, որ ստրուկները հանդիսացել են անձնավորություն և եղել են իրավունքի սուբյեկտներ։

Ստրկությունը չէին համայնական կենցաղը գերաճած բոլոր ժողովուրդների մոտ դարձավ արտագրության տիրապետող ձևը և վերջում եղավ նրանց քայքայման գլխավոր պատճառը¹։ Այս գրույթն ընդհանրական պատմական նշանակություն ունի բոլոր ժողովուրդների ու երկրների տնտեսական փորձաքննությունը ճիշտ բացատրելու համար և բացառության տեղիք չի տալիս։ Ելնելով դրանից, պետք է ընդունել, որ հին Հայաստանում ևս գոյություն է ունեցել ստրկատիրական սիստեմ։

Իրտությունը պարզել է ստրկության ծագման աղբյուրները։ Նրա ծագման առաջին ու սկզբնական աղբյուրը հանդիսացել են պատերազմը և նրա հետևանքները՝ ռազմագերիները, որոնք ստրկացվում էին։ Առևտրի զարգացումը բերում էր ստրկության հաստատմանը. «Անտիկ աշխարհում, — Մարքսի խոսքերով, — առևտրի ազդեցության և վաճառականական կապիտալի զարգացման արդյունքը միշտ լինում է ստրկատիրական տնտեսությունը»։ Երկրում ստրկության առկայության դեպքում նրա ծագման լրացուցիչ աղբյուր է ծառայում ստրկական բնակչության բնական աճը։ Առևտրի և էկոնոմիկայի զարգացման հետ զարգանում է վարկային գործը, որը իրավահարաբերությունների սիստեմ է ստեղծում վարկատուի և պարտապանի միջև։ Այդ իրավահարաբերությունների զարգացման պրիմիտիվ ստադիաներում վարկատուն անվճարունակ պարտապանին դարձնում է ստրուկ։ Գրեթե բոլոր ժողովուրդների մոտ հանցագործները, իրենց կատարած որոշ հանցանքների համար, սովորութեամբ իրավունքի կամ օրենքի սանկցիաների ուժով դարձվում էին ստրուկներ։ Անսահմանափակ հայրական իշխանությունն ընտանիքի անդամների նկատմամբ, ինչպես նաև տղամարդու իշխանությունը կնոջ և տան գլխավորինը զբոսովների նկատմամբ, միշտ եղել են ստրկության ծագման աղբյուրը. ընտանիքի

¹ Ֆ. Էնգելս, Անտի-Դյուրինգ, Երկեր, հատ. 14-րդ, էջ 183, 1931 (ընդգծումը մենք է՝ չ. չ.)։

² К. Маркс, Капитал, т. III, изд. 8, 1936, стр. 298.

գլխավորը ի ստրկութիւնն էր վաճառում երեխաներին, կնոջը և ընդհանրապէս ընտանիքի անդամներին: Մի շարք երկրներում օրենքը ստրուկներ էր դարձնում այն քաղաքացիներին, որոնք պետութեան հանգեպ իրենց պարտականութիւնները չէին կատարում: Ստրկացնում էին նաև այն օտարերկրացիներին, որոնք խարեութեամբ յուրացնում էին տվյալ պետութեան քաղաքացու իրավունքները: Գանայք, որոնք իրենց բախտը կապում էին ստրուկների հետ և, չնայած բողոքին, չէին կտրում իրենց կապերը նրանց հետ, դարձնում էին ստրուկներ (օրինակ՝ Հոմոմում): Վերջապէս, որոշ երկրներում և որոշ ժողովուրդների մոտ գոյութիւն ունէր կամավոր ստրկութիւնը:

Տրամաբանորեն, պետք է ընդունել, որ պատճառն ու հետևանքը կապակցված են միմյանց հետ, և անխուսափելի է հետևանքի երևալը, եթե առկա է նրա պատճառի ներգործութիւնը, և որ ստրկական սիստեմը անխուսափելիորեն պիտի ծագեր ու գործեր այնտեղ, որտեղ կային նրա ծագման աղբյուրները:

Հարցն այսպէս դնելու դեպքում՝ հին Հայաստանում ստրկութեան և ստրկատիրական սիստեմի գոյութեան պրոբլեմը փոխարկվում է այն պատճառականութեան, այն աղբյուրների գոյութեան կամ չգոյութեան պրոբլեմին, որտեղից բխել և ծագել է ստրկութիւնը: Այս տեսակետից, այն պընդումը, թե Հայաստանում չեն եղել ու գոյութիւն չեն ունեցել ստրկութիւն և արտագրութեան ստրկատիրական եղանակ, համասարազոր է այն պնդմանը, թե հայ ժողովուրդը և Հայաստանի պետութիւնը, որը հազարամյակների պատմական գոյութիւն ունի, չգիտէին, թե ի՞նչ է պատերազմը, երբեք պատերազմներ չէին վարում և պատերազմական գործողութիւններ չէին ձեռնարկում թշնամիների դեմ, որովհետև, եթե պատմական իրականութիւնը ցույց է տալիս հակառակը, ապա այդ նշանակում է՝ Հայաստանում եղել են նաև պատերազմի հետևանքները, այսինքն՝ ռազմագերիներ, որոնք դարձնում էին ստրուկներ: Այնուհետև, այն պնդումը թե Հայաստանում ստրկութիւն և արտագրութեան ստրկատիրական սիստեմ չեն եղել, համասարազոր է այն պնդմանը, որ հայ ժողովրդի և Հայաստանի պետութեան մեջ չի եղել ընտանիք՝ իր հայրական անեղ իշխանութեան գլխավորութեամբ, որ ողջ պատմութեան ընթացքում այնտեղ չի եղել առևտրատնտեսական շրջանառութիւն՝ կապված վարկի ու փոխառութեան, վարկատուների ու պարտապանների, վաշխառութեան ու պարտաբեռնվածութեան և այլ ինստիտուտների գոյութեան ու գործառնութեան հետ, որ Հայաստանում երբեք չեն եղել հանցագործութիւններ և նրանց օրինական հետապնդումներ, որ Հայաստանում չի եղել ամուսնութեան ինստիտուտ՝ կնոջ նկատմամբ տղամարդու անեղ իշխանութեամբ և այլն: Իսկ եթե, հակառակ այդպիսի պնդումների, հաշիւ առնենք պատմութիւնը և ընդունենք, որ հայ ժողովրդի և Հայաստանի պետութեան մեջ դարերից ի վեր եղել է ընտանիքը՝ հայրական անեղ իշխանութեամբ հանգերձ, որ այնտեղ, արդարև, գոյութիւն են ունեցել վարկը, փոխառութիւնը, վաշխառութիւնն ու պարտաբեռնվածութիւնը, որ, ինչպէս բոլոր ժողովուրդների մոտ, այնտեղ ևս կատարվում էին նաև ամուսնութիւններ՝ կնոջ նկատմամբ տղամարդու անեղ իշխանութեան պայմանով, որ այնտեղ ևս, ինչպէս և ամենուրեք, հանցագործները հետապնդվում և պատժվում էին, ապա այդ դեպքում

անհրաժեշտ կլինի ընդունել, որ այնտեղ եղել են (և չէին կարող չլինել) նաև այդ ինստիտուտների ներգործության անխուսափելի հետևանքները: Խակ նշված ֆակտորների ներգործության անխուսափելի հետևանքներ էին հանդիսանում երեխաների ու ընտանիքի մյուս անդամների, կանանց, պարտապանների և գատապարտված հանցագործների վաճառքն ու ստրկացումը:

Ստրկությունը Հայաստանում եղել է և չէր կարող չլինել, քանի որ այնտեղ եղել և գործել են ստրկություն առաջացնող պատճառները: Խակ էին ստրուկների և ստրկության գոյություն փաստը անսասան է, ապա, կնշանակի՝ ստրկությունը պետք է ունենար և իր ֆունկցիոնալ նշանակությունը, սեփականության (սեփականություն ուժը ոչ այլ ինչ է, եթե ոչ սեփականատիրոջ անսահմանափակ կարգավորիչ իշխանությունը), այսինքն ստրկության ակտուալ, գործունյա կապվածությունը ստրկատիրոջ և արդյունաբերության հետ: Այդ երկու ուժերի միացյալ գործողությունն էլ հենց ստեղծում է այն սիստեմը, որը կոչում են ստրկատիրական ֆորմացիա:

Ճիշտ է, Արևելքի ստրկատիրական սիստեմը որոշելիս և բնութագրելիս անհրաժեշտ է նկատի ունենալ նրա այն սպեցիֆիկ առանձնահատկություններն ու յուրահատկությունը, որոնք սահմանված են մարքսիզմի կլասիկների կողմից, բայց այս հանգամանքը բնավ և ամենափոքր չափով անգամ հիմք չի տալիս Արևելքի որևէ երկրում տվյալ սիստեմը ժխտելու: Արևելքի պետությունների բնակչությունը, որը դարերի ընթացքում պահպանել է համայնական կարգերը, առաջադրում է, ինչպես ցույց են տվել մարքսիզմի կլասիկները, ճեղհորոնական կառավարությանը հոգալ նրանց հողագործության և առևտրի հիմնական պայմանները հանդիսացող հանրային խոշոր կառուցումների մասին, իսկ ինքը իր հերթին և միաժամանակ կազմում է հողագործական և արդյունաբերական աշխատանքի միջև ընտանեկան կապի հիման վրա գոյություն ունեցող մանր կենտրոններ: Այդ աղբյուրը ստեղծել է այսպես կոչված համայնական սիստեմ (village system), որը այս մանր միություններից յուրաքանչյուրին հաղորդել է անկախ կազմակերպություն և առանձին յուրահատուկ կյանք¹, Այս գրույթներն անվիճելի են: Սակայն, եթե անփոփոխելի ճշմարտություն համարենք, որ Արևելքի տնտեսական կարգը բնութագրվում է խիստ արտահայտված յուրահատկությամբ և ունի սպեցիֆիկ առանձնահատկություններ, ապա դրանով չի հերքվում ոչ մարքսիզմի հիմնական, բնահանրական նշանակությունը ներկայացնող գրույթը, թե առաջին գասակարգային հասարակությունը, որ ծագել է ստրկատիրոջ՝ արտադրության միջոցների և արտադրության աշխատողի սեփականության հիման վրա, ստրկատիրական հասարակություն է և որ համայնական-տոհմատիրական կարգերի փայլալույսից անմիջապես հետո ծագում և զարգանում է ստրկական սիստեմը, — ոչ էլ պատմականորեն սահմանված այն փաստը, որ Արևելքի բոլոր երկրներում (Հնդկաստանում, Չինաստանում, Ասորեստանում ու Բաբելոնում, Միդիայում ու Պարսկաստանում, Եգիպտոսում, Խեթական պետության մեջ և այլուր) գոյություն է ունեցել և զարգացել է արտադրության ստրկատիրական սիստեմը:

Սրանից երևի հազար տարի առաջ Հայաստանը եղել է խեթա-

¹ К. Маркс и Ф. Энгельс, Сочинения, т. IX, стр. 349.

կան պետության սիստեմում. հետագայում նա քաղաքական ու տրնտեսական հարաբերությունների և հարեանության մեջ է եղել արևելյան մի շարք երկրների հետ (Ասորեստան, Միգիա, Պարսկաստան և այլն), որոնց մոտ գոյություն է ունեցել և գործել է ստրկական սիստեմը. ինչպես կարող էր պատահել, որ նա՝ Հայաստանը, խուսափեր արտագրության ստրկատիրական սիստեմից:

Հին Գերմանիայում գոյություն ունեին ստրուկներ և, հետևարար, եղել և գործել է ստրկատիրական սիստեմ, որ ապացուցվում է գերմանական դիցարանության բովանդակությամբ: Աղբյուրների վկայության համաձայն, այստեղ ստրուկներին վաճառում էին որպես գրաստներ, մորթում էին զոհաբերությունների ժամանակ, այրում էին տիրոջ խարույկի վրա, նրա հետ միասին թաղում էին մի դամբարանում:

Տակիտուսը իր «Գերմանիա»-ում մանրամասնորեն նկարագրում է ստրուկներին և ստրկատիրական սիստեմը: Տվյալները ցույց են տալիս, որ այստեղ, բացի ռազմագերիներից, ստրկացվում էին նաև աղատ քաղաքացիները, որոնք շատ հաճախ իրենց ազատությունը տանուլ էին տալիս ոսկրախաղի մեջ:

Ստրկություն գոյություն է ունեցել նաև սլավոնական ժողովուրդների մոտ: Չեխերի մոտ ստրուկների առք ու վաճառք տեղի ուներ Բրեչիսլավ 1-ի օրոք, երբ, ի միջի այլոց, ստրկացվում էին անհավատարմության համար հանցավոր ճանաչվածները և անվճարունակ պարտապանները: XII դարում հրեաները Պրագայում ստրուկների առևտուր էին անում, որ սարգելվեց Վացլավ 1-ի կողմից: Հեհաստանի սովորութեան իրավունքի հիշատակարանները վկայում են, որ XIII դարում այստեղ գոյություն է ունեցել ստրկություն. այդ հիշատակարաններում պատմվում է ստրկահիների (Dirne) մասին, որոնք առուծախի, օժիտ տալու և այլ գործարքի առարկա էին¹: Պոմորյան սլավոնների մոտ ստրկության գոյությունն ապացուցվում է այն տվյալներով, որ Կոտլյարևսկին բերել է իր «Книга о древностях и истории поморских славян в XII в.». «Законник Душана» պատմական հիշատակարանի բովանդակությունից երևում է, որ սերբերի մոտ գոյություն է ունեցել ստրկություն²: Վերջապես, ոչ մի կասկածի ենթակա չէ, որ անցյալում ողջ ժողովրդի մոտ, պատմության մինչմոսկովյան ժամանակաշրջանում և Մոսկովյան պետության դարաշրջանում գոյություն է ունեցել ստրկատիրական սիստեմ: Այս գրույթն ապացուցվում է նին ողջական իրավունքի հուշարձանի՝ «Русская правда»-ի բովանդակությամբ և ռազմաթիվ վավերագրերով՝ հրամանագրերով, տարեգրություններով, օրենսդրական միջոցառումներով³:

Չի կարելի համաձայնվել Խ. Սամվելյանի հետևյալ հայացքների հետ: «Ճորտ դյուղացիների՝ շինականների հետ մեկտեղ, շահագործվող դասակարգին էին պատկանում նաև ստրուկները: Ստրկատիրական ինստիտուտի առկայու-

¹ *См. Винавар, Исследование памятников обычного права Польши.*

² *См. Зигель, Законник Стефана Душана.*

³ *См. Чичерин, Опыты по истории русского права. Холопы и крестьяне в России до XVI в., Ключевский, Подушная подать и отмена холопства в России; Сергеевич, Вольные и невольные слуги московских государей; «Русские юридические древности». Павлов—Сильванский, Люди кабальные и докладные.*

թյունը ֆեոդալական Հայաստանում այն պատմական մոմենտի մնացուկն է, երբ ստրկատիրությունը չէր աճել և դեռևս որոշ հասարակական-տնտեսական ֆորմացիայի ձև չէր ստացել: Նա իր քարացած զարգացման պրիմիտիվ ձևով շարունակում էր որոշ տեղ գրավել ֆեոդալական հասարակության էկոնոմիկայում, որպես շինականների շահագործվող հիմնական մասսային կից մի օգտակար հավելուկ¹: Այս պնդման մեջ կան մի շարք անճշտություններ: Ստրկության և ստրկատիրության ինստիտուտը Հայաստանում գոյություն է ունեցել և զարգացել է հազարամյակների ընթացքում, սկսած խեթական պետությունից և Հայաստանից: Ունենալով այդքան տևական ժամանակաշրջան և գտնվելով գործուն ֆունկցիաներ կատարելու վիճակում, ստրկատիրական սիստեմը չէր կարող չաճել մինչև համայնակալ-նախնադարյան ֆորմացիան, այնպես, ինչպես արգանդային լրիվ շրջանն անցած սաղմը չի կարող չբոլորել իր զարգացման շրջանը: Հետևաբար, Հայաստանում ստրկատիրական սիստեմը ֆեոդալական դարաշրջանում չէր կարող պրիմիտիվ, քարացած ձևով հանդես գալ: Բայց եթե մի պահ ենթադրենք, որ խեթական այդ տեղի է ունեցել, ապա այդ դեպքում ռուդիմենտը չէր կարող ճշինականների շահագործվող հիմնական մասսայի օգտակար հավելուկը լինել, քանի որ ամեն մի մնացուկ, ամեն մի ոռոգիմենտ իր ռուդիմենտարության գործությամբ դադարում է օգտակար լինելուց, արգելակ հանդիսանալով հետագա զարգացմանը: Այնուհետև, ասելով, թե ճահագործող դասակարգին էին պատկանում նաև ստրուկները, հեղինակը, ինքը չնկատելով այդ, ընդունում է, որ ստրկատիրական սիստեմը գտնվում էր իր գործուն ֆունկցիայում, հետևաբար, նա չէր կարող լինել ստրկության հենարանը, ստրկություն, որի ֆունկցիոնալ նշանակությունը հենց արտադրական շահագործման պրոցեսի մեջ է: Պետք է նկատել, որ նույն կոնտեքստում, մի փոքր հետո (էջ 363), հեղինակը ինքը թվարկում է Հայաստանում ստրկության գործուն կատեգորիաները, որով և խեթական ընդունում է ստրկատիրական սիստեմի այն նույն ֆունկցիոնալությունը, որը ինքը ժխտում էր վերևում:

Ինչպես ցույց են տալիս պատմական տվյալները, Հայաստանում եղել են տաճարական ստրուկներ, «հիերոդուլներ», որոնց արտադրական շահագործումը լիովին համապատասխանում էր ստրկատիրական սիստեմի էությունն ու բնույթին, որ միանգամայն ճիշտ է հիմնավորվում Արեւմտյանի կողմից: Իսկ Բուլտունովայի հայացքը, որ իրը թե «հիերոդուլները» ստրուկներ չեն հանդիսացել, այլ պարզապես, մարդիկ, որոնք բահրա էին վճարում քուրմին, քննադատության չի գիմանում. նախ՝ ստրուկներն էլ նույնպիսի մարդիկ էին, որոնք բահրա էին վճարում, և, ևրկորդ՝ ըստ սակավալ իրավունքի աստվածածնի սանկցիայի, ոչ միայն ստրուկներն էին համարվում բահրա վճարող մարդիկ, այլև բոլոր նրանք, ովքեր առնչություն ունեին պաշտամունքի հետ:

Ստրկատիրական սիստեմը ժխտող հետազոտողների սխալների մասին:

Առաջին: Այդ կարգին պատկանող բոլոր հետազոտողներն ընդունում են, որ Հայաստանում եղել և գոյություն են ունեցել ստրուկներ ու ստրու-

¹ Խ. Սամվելյան, Հին հայ իրավունքի պատմություն, Երևան, Արմֆանի հրատ., 1939, էջ 363:

կուլթյուն, բայց դրա հետ միաժամանակ պնդում են, որ այդ ստրկուկները, թեպետև նա գոյուկյուն է ունեցել, չի հասել այն զարգացման, որով բնութագրվում է արտադրության ստրկատիրական սիստեմը: Այդ պնդումը ճիշտ չէ հասարակական ֆորմացիաների պատմական, ֆունկցիոնալ նշանակության տեսակետից: Ստրուկները և ստրկուկները հին Հայաստանում գոյուկյուն են ունեցել հազարամյակների ընթացքում: Նրանց գոյուկյունը պայմանավորված է եղել արտադրական ֆունկցիայի զարգացմամբ: Չի կարելի ենթադրել ստրկության բազմադարյան զարգացում, առանց նրա կեցուկյունը պայմանավորող արտադրական ֆունկցիաների զարգացման: Ենթադրելով, որ ստրկության արտադրական ֆունկցիաները չեն աճել, չեն զարգացել մինչև արտադրության ստրկատիրական սիստեմի առաջացման աստիճանը, մենք պետք է տրամաբանորեն ենթադրենք, որ այդպիսի իրադրության պայմաններում ստրկուկյունն ինքը պիտի ատրոֆիայի ենթարկվեր և բոլորովին անհետանար, մի բան, որ բացահայտորեն հակասում է պատմական իրողույթյանը:

Երկրորդ: Ուսումնասիրողները, որոնց վերաբերում է մեր քննադատուկյունը, ուշադրուկյան չեն առնում այն, որ ֆեոդալական կարգերի հիմնադրուկյթների գենեզիսը իր ակունքներով օրգանապես կապված է ստրկատիրական սիստեմի հետ, որ աշխատանքի շահագործման վրա հիմնված արտադրուկյան հիմքը դրվել է ստրկատիրուկյան սիստեմում և որ ֆեոդալիզմի ժամանակ շահագործված կախյալ գյուղացիների՝ «շինականների» իրավական և հասարակական վիճակը, հիմնականում, որակապես հար և նման է ստրկուկյան զարգացման բարձր ստադիայի ժամանակ եղած ստրուկների, օրինակ՝ Հռոմում servi casati կոչված ստրուկների, իրավական ու հասարակական վիճակին: Մարքսն ասում էր, որ հոմերյան էպոսում վերարտադրված է մարդկուկյան մանկուկյունը: Այդ համանմանուկյամբ կարելի է պնդել, որ ստրկական սիստեմում վերարտադրվում է ոչ միայն աշխատանքի շահագործման վրա հիմնված ամեն մի արտադրուկյան մանկուկյունը, այլև այդ արտադրուկյան սկզբնավորումն ու սաղմերը: Առանց սաղմնավորման ու բեղմնավորման պրոցեսների չի կարող պտուղ և ծնունդ լինել: Կարելի է պնդել, որ ամեն մի շահագործական արտադրուկյան սաղմնավորումն ու բեղմնավորումը տեղի են ունեցել ստրկատիրական սիստեմում, և միայն հետագայում, վերջինիս հիմքի վրա և նրա մեջ պարունակված հակասուկյունների հետևանքով, ծագել են հետագա հասարակական-տնտեսական ֆորմացիաները: Հնագարյան Հայաստանի ստրկատիրական սիստեմը ժխտողները վաստորեն ճգնում են ապացուցել պտղի ու նրա ծննդի (և դեռ նրա հասուն հասակի էլ) առկայուկյունը, առանց սաղմնավորման ու բեղմնավորման պրոցեսների, նրանք փորձում են հիմնավորել ֆեոդալական սիստեմի ծնունդն ու աճումը, ժխտելով նրա սաղմնավորման ու բեղմնավորման պրոցեսները:

Երրորդ: Քննարկվող կատեգորիայի ուսումնասիրողները իրենց եզրակացուկյուններն համար սովորաբար ելակետային նախադրյալներ են համարում ֆեոդալական սիստեմին վերաբերող և մինչև մեր օրերը հասած մի շարք լեզվական հասկացուկյունների ու տերմինների քննախոսուկյունը: Այսպես, օրինակ, Խ. Սամվելյանը ելնում է «շինական» տերմինի մեկնարանուկյունից. Ն. Ադոնցը ելնում է «նախարար», «ազատ», «ոստանիկ» և

այլ հասկացություններից, Հ. Մանանդյանը ղեկավարվում է «նախարար», «ազատ», «ոստանիկ», «խոստակ», «նահապետ», «ոսմիկ», «սեպուհ», «պայազատ» և այլ տերմինների քննախոսությամբ, ըստ որում այդ ուսումնասիրողներից ամեն մեկը տվյալ տերմիններից յուրաքանչյուրի համար սահմանում է միայն մեկ, իրը լին հաստատագրված ու անփոփոխ երկրանդակություն ու նշանակություն» և այդ տերմինի մեկ ընդմիջ տրված ու հաստատագրված հասկացությունից օգտվում է բոլոր դարաշրջանների համար: Օրինակ, ըստ Հ. Մանանդյանի, «նախարար» հասկացությունը — դա ժողովրդի վեհապետն է կամ ցեղապետը. «ազատ» հասկացությունը — ցածր ազնվականներ. «ոստան» հասկացությունը — պետությունը պատկանող քաղաք կամ երկիր և այլն: Ակներև է, որ տերմինների մեկ ընդմիջ սահմանված ու հաստատագրված, այսպես ասած՝ «անփոփոխ» հասկացությամբ գործառելը ճիշտ չէ: Հասկացությունների՝ բառերով արտահայտված բովանդակությունը, տերմինների բովանդակությունը, պատմականորեն անփոփոխ չէ. նա ենթակա է էվոլյուցիայի և անընդհատ փոփոխության: «նախարար» տերմինը որևէ տրված դարաշրջանում կարող էր նշանակել «ցեղապետ» կամ «ժողովրդի վեհապետ», իսկ մի ուրիշ դարաշրջանում՝ բոլորովին մի այլ բան: «ոստան»-ը, որպես տերմին, գուցե և որոշ դարաշրջանում նշանակել է «քաղաք» կամ «երկիր», բայց ավելի վաղ ժամանակներում կամ հետագայում նա կարող էր բոլորովին այլ նշանակություն ունենալ: Հին հունարեն — *δασυόλης* — բառը նշանակում էր «տէր», «տիրապետող», մինչդեռ հետագայում այդ տերմինը բոլորովին այլ նշանակություն է ստացել: Գիտության մեջ պարզված է, որ տերմինների բովանդակությունն ու նշանակությունը ենթակա են անընդհատ էվոլյուցիայի ու ձևափոխման: Ուստի մեթոդոլոգիապես ճիշտ չէ ելնել տերմինների մեկ ընդմիջ տրված և հաստատագրված հասկացությունից:

Զորրորդ, Հին Հայաստանի սոցիալ-տնտեսական կարգերի պրոբլեմներն ուսումնասիրող հեղինակները քննարկում են նաև հայկական պետությունից գեներալի, նրա պատմական հասակի հարցը և այլ հարցեր:

Ուսումնասիրողներից Երեմյանը, որի հայացքները Հայաստանում ստրկատիրական սիստեմի գոյության պրոբլեմի վերաբերյալ ամենից ավելի ճիշտ են, պնդում է՝ «Մեր կողմից մեկնարանվող ժամանակաշրջանում կային բոլոր նախադրյալները՝ հայկական պետություն ստեղծելու համար»¹: Այս միտքը հեղինակը կրկնում է նաև իր մյուս աշխատություններում:

Հայկական պետության հասակի և ծագման ժամանակի այդպիսի ըմբռնումը մենք համարում ենք մոլորություն: Հայկական պետությունը հանդիսանում է երկրագնդի վրա ամենահին կազմավորումներից մեկը: Կան և գոյություն ունեն պետական իշխանության հասկացություն նշանակող տերմիններ, որոնց պատմական հասակը չափվում է հաղարամյակներով. այսպես, օրինակ՝ «պետ», «իշխել», «տէր», «հպատակ» և այլն: Այդ և դրանց նման իրավական հասկացությունների գոյությունն ապացուցում է հայկական պետության հնագույն ծագումը, այնքան խորը-հին, որ նրա գեներալը հելլենիստական դարաշրջանին դասելը առնվազն անհիմն է:

¹ С. Еремян, Основные черты общественного строя Армении в эллинистическую эпоху, «Известия АН Армянской ССР», 1948, № 11, стр. 42.

Խեթական պետության սիստեմում մեր թվականությունից առաջ XIII—XV դարերում, ինչպես այդ երևում է պրոֆ. Գ. Լավանցյանի¹ բերած տվյալներից, արդեն գոյություն ունեւ հայկական պետություն: Նա գործում էր նաև հոմերյան հասարակության դարաշրջանում, այսինքն մեր թվականությունից 1000 տարի առաջ²: Երեմյանը մի այլ տեղ ընդունում է, որ խեթական, իսուրո-ուրարտական և սեմական (ասուրա-բաբելական) աշխարհի սահմանագծում սկսվել է հայ-հայասիների ցեղերի համերաշխության նոր պրոցես³, Կարող են առարկել, որ Վամերաշխությունը կամ ցեղերի միավորումը պետություն կամ որևէ պետական կազմավորում չէ: Նմանօրինակ առարկությունը հիմնված կլինի թյուրիմացության վրա: Ցեղերի միավորումը չի կարող դիտվել որպես ֆիզիկական կապվածություն, կապվածություն թուերով կամ ճոպաններով: այդ միավորումը իրենից ներկայացնում է փոխկապվածություն տնտեսական և քաղաքական հողի վրա: Սոցիալ-տնտեսական և քաղաքական իրավահարաբերությունների բաղադրված եղած նմանօրինակ միավորումն էլ հենց, ինչպես մեզ թվում է, պետական կազմավորում է հանդիսանում: Այս ասպեկտով էլ պետք է ընդունել, որ հայկական պետությունը, Վերիտասարդ չլինելով հանդերձ, ունի ոչ պակաս, քան երեք հազարամյա հասակ:

Տնտեսական կարգերն ստեղծում են իրենց իդեոլոգիան: Նրանք արտացոլում են իրավական և քաղաքական սիստեմում, էթնիկայի մեջ, ժողովուրդների բարոյական և կրոնական հայացքներում, ուստի Հայաստանում ստրկատիրական սիստեմի գոյության տվյալների ու ապացույցների առաջին և առավել ճիշտ աղբյուրը հանդիսանում են համապատասխան դարաշրջանն արտացոլող իրավաբանական հնությունները կամ սովորութեան իրավունքի ցուցմունքները:

Հայ ժողովրդի, որպես հնագույն ժողովուրդներից մեկի, սովորութեան իրավունքը իր բովանդակությամբ առավել հարուստ է, ցուցադրական և բարդ, որովհետև այդ իրավունքն արտացոլում է ժողովրդի սոցիալ-տնտեսական և էթնիկական փորձը, որը ամբողջ հազարամյակների ընթացքում խտացված է նրա նորմատիվներում և սանկցիաներում: Բայց, տարարախտարար, հայ ժողովրդի սովորութեան իրավունքը և նրա իրավաբանական հնությունները ուսումնասիրված, հավաքված և համակարգված չեն: Այդ իրավունքի վերաբերյալ գոյություն ունեցող գրականությունը չափազանց նայիվ է, գիտականորեն չմշակված և, որպես այդպիսին, արժեքավոր ոչինչ չի տալիս:

Մեզ հետաքրքրող հարցի վերաբերյալ մենք ունենք սովորութեան իրավական նորմատիվային ինստիտուտ, որը մինչև վերջին ժամանակները՝ մինչև XX դարի սկիզբը գոյություն ունեւ ժողովրդի մեջ: Այդ ինստիտուտի անունն է Վալակություն: Խոսքը Վալակ տերմինի մասին չէ, որի մեկնարանությունը զրադիվել են մեր ուսումնասիրողները (ինչպես, օրինակ՝ Երեմյանը և ուրիշները): Մենք այստեղ խոսում ենք գործուն իրավական ինստիտու-

¹ Տե՛ս Գ. Կապանյան, Хайаса—колыбель армян, Ереван.

² Տե՛ս մեր „Элементы армянской культуры и этники в гомеровской системе“ գիտերտացիոն աշխատությունը:

³ Տ. Բրեյան, К вопросу об энтогенезе армян, „Вопросы истории“, 1952, № 7, стр. 101 и сл.:

տի մասին, որն ունի հազարամյակների վաղեմություն և, որպես գերապարուկ, կենդանի է մնացել ու մինչև վերջին ժամանակները պահպանում էր իր ուժը հայկական գյուղերի ժողովրդական կենցաղում: Այդ ինստիտուտի գծով տնտեսական շահագործման սուբյեկտ է «մշակը», որի իրավական և սոցիալական դրությունը վերաբառվում է հին Հայաստանում շահագործվող ստրուկների դրությունը: Ելուզում հարուստները իրենց տնտեսությունը մեջ ունեին մեկական, երկուական և նույնիսկ երեքական «մշակներ», որոնց նրանք կերակրում և հագցնում էին և որոնք աշխատում էին տիրոջ համար: Ապրելով տիրոջ հետ միասին և ենթարկվելով նրա կարգադրիչ իշխանությանը, պայմանով, որ տերը նրանց կօգտագործի իր հայեցողությամբ և ինչպես կամենա (*uti et abuti*), նրանք կատարում էին դաշտային բոլոր աշխատանքները, հավաքում. կալում էին բերքը, աշխատում էին ջրաղացներում ու արհեստանոցներում (օրինակ՝ փականագործական արհեստանոցներում), և այդպիսով, հավելյալ արժեք ստեղծելով արտագրության մեջ, համատարած շահագործման առարկա էին հանդիսանում: Նրանց մոտքը տիրոջ տունը ուղեկցվում էր որոշ արարողություններով. «մշակի» հանգստյան կամ հիվանդության ժամանակ նրան սպասարկում էր ինքը՝ տերը կամ նրա ընտանիքը: Երբեմն «մշակը» ամուսնանում էր իր բարի տիրոջ թույլտվությամբ: «Մշակների» դրության սովորութա-իրավական նորմավորումը և «մշակության» ինստիտուտի անագան ֆունկցիոնալ գործողությունը լիովին հաստատում են այն թեզը, որ հին Հայաստանում գոյություն է ունեցել ստրկատիրական սիստեմ, որովհետև նկարագրված իրավական մնացուկը այս սիստեմի կենդանի մնացորդն է:

Իդեոլոգիական նշանակություն ունեցող մի շարք իրավաբանական հասկացություններ սկիզբ են առել ու զարգացել են ստրկության պայմաններում և ստրկության ռեժիմը տարածել են ռազմական գերիների վրա: Հայերեն «պարտք» բառը գենետիկորեն նշանակում է «դերի», «պայքար», «պատերազմ», «հաղթության արդյունք»: Դրա «*vardum*» համարժեքը Համամուրարի օրենքների լեզվով կոչվում է «ստրուկ»: Հայերեն «պարտականություն» բառը ունի իր լատիներեն համարժեքը՝ *obligatio* = կապակցականություն: «*Obligo*» — կապել, մեղսագրել, դատապարտել: Prometheus *obligatus alite*, Պրոմեթեոսը դատապարտված՝ որպես զոհ թռչնին: Ըստ Դալի՝ «պարտականություն» նշանակում է «կապել», «բռնադատել»: Ստրկատիրության հետ կապված հայերեն իրավաբանական «տէր» հասկացությունը համապատասխանում է հունական «*τορανος*» և լատինական «*tiranus*» բառերին, որ նշանակում են «տիրակալ», «իշխանություն ունեցող», «ընտանիքի գլխավոր»: Այն հասկացությունները, որոնց մեջ արտահայտված են իշխանություն, կապակցվածություն և այլն, հայտանշում են ստրկացված ռազմագերիներ և տիրոջ իշխանությունը նրանց վրա:

Մենք ունենք ոչ սակավաթիվ գրավոր հուշարձաններ, որոնց մեջ ակնհայտորեն արտացոլված է ստրկատիրական սիստեմը: Իրանցից իր հասարակական նշանակությամբ ամենախոշորը, իհարկե, հանդիսանում է Մխիթար Դոշի Դատաստանագիրքը, որը, դժբախտաբար, մինչև այժմ ինչպես հարկն է դիտականորեն չի ուսումնասիրված: Հին հայկական իրավունքի այս կոթողը նույնպիսի նշանակություն ունի, ինչպես «Русская правда»-ն, «Մանուի օրենքները», «Մովսեսի օրենքները», «Համամուրարի

օրենքները, թեթևական օրենքները և այլն: Այդ բոլոր կողմերի նման, Մխիթար Դոշի Դատաստանագիրքը վերարտադրում է գլխավորապես հայկական սովորութական իրավունքի հիմնական դրույթները: Այդ երևում է նրաներածուխյունից, որտեղ մեծ հեղինակը անկեղծորեն խոստովանում է, որ ինքը Դատաստանագրքի մեջ հավաքել է այն, ինչ անձամբ տեսել և լսել է: Բացի դրանից, Դատաստանագրքում միաձուլված են (տարբերակված չեն) դատավարական և նյութական իրավունքի նորմաները, մի հանգամանք, որ հատուկ է միայն սովորութա-իրավական սիստեմին: (Այս հատկանիշը բնորոշ է նաև Վեդայի օրենքների և հոմերյան դյուցազնեպոսի իրավական տվյալների համար): Օրենսդիրքն սկսվում է աստվածաբանական սկզբունքի և սակրալ իրավունքի շարադրանքով, որ նույնպես համապատասխանում է Վեդայի օրենքների կոմպոզիցիային և հոմերյան իրավագիտակցությանը: Դժվար է համաձայնել այն տեսակետի հետ, թե իբր Դատաստանագիրքը արտացոլում է հայկական ֆեոդալիզմի իդեոլոգիան¹: Կարելի է ապացուցել, որ Դատաստանագրքի դատավարական և նյութական նորմաների մի զգալի մասը, լինելով սովորութական իրավունքի արտահայտություն, ունի հնագույն ծագում: Ուստի և հասկանալի է, որ Դատաստանագրքում արտացոլվել է հին Հայաստանի ստրկատիրական սիստեմը: Այն բոլոր հոգվածները, որոնք նորմավորում են ստրուկների դրությունը, նրանց պատասխանատվությունը դատարանի առջև, նրանց դեմ ուղղված պատժական սանկցիաները, նրանց զանցանքների ու հանցագործությունների մեկուսացումը, նրանց դրությունը ամուսնական իրավունքի սիստեմում, նրանց փախուստի դեմ ուղղված սանկցիաները, — այս բոլորը ակնհայտորեն վկայում են ստրկատիրական սիստեմի մասին: Դատաստանագիրքը սահմանում է մի շարք ինստիտուտներ, որոնք հատուկ են միայն ստրկատիրական հասարակությանը: Մխիթար Դոշի Դատաստանագրքի առկայությունն անկասկած է դարձնում, որ հին Հայաստանում գոյություն է ունեցել ստրկատիրական սիստեմ:

Կարելի էր շատ ավելի բազմաթիվ փաստարկումներ բերել ապացուցելու համար այն թեզը, որ, հիրավի, հնագույն Հայաստանում եղել և գործել է ստրկատիրական սիստեմը և որ այդ սիստեմի մնացուկները տակավին մնում են հայոց սովորութական իրավունքի դեռ չվերացած բեկորների մեջ, սակայն առայժմ բավականանանք վերոհիշյալով: Սոցիալական ֆորմացիաների հաջորդական ուղիները հետազոտող գիտնականը չի կարող մեր սովորութական իրավունքի բեկորներին կես աչքով նայել, թերակարծ լինել դրանց արդյունալի էություն մասին:

¹ Հմմտ. Խ. Սամվելյան, Հին հայ իրավունքի պատմություն, Երևան, էջ 358: